

Cefnogi Busnesau yng Ngwynedd Supporting Businesses in Gwynedd



 **CYNGOR GWYNEDD COUNCIL**

Bwletin Gwasanaeth Cefnogi Busnes Gwynedd 16.12.2020

Cronfeydd Busnes Cyfyngiadau Rhagfyr 2020 Llywodraeth Cymru

Ymhellach i'n bwletinau diweddar, dyma ragor o wybodaeth am y cymorth ariannol mae Llywodraeth Cymru yn cynnig i fusnesau fydd yn cael eu hamharu yn uniongyrchol gan gyfyngiadau newydd Rhagfyr 2020.

- Mae busnesau lletygarwch, sydd yn atebol i Drethi Busnes a wnaeth ddim ymgeisio am Grant Clo Bach yn Hydref/Tachwedd, a'r rhai hynny sydd wedi eu lleoli yn eiddo gyda gwerth trethadwy rhwng £51,001 a £150,000, bellach yn gallu cofrestru i dderbyn cymorth o'r Gronfa Busnes Cyfyngiadau ar ôl cwblhau ffurflen sydd ar gael rŵan ar wefan Cyngor Gwynedd.
- Bydd busnesau lletygarwch sydd wedi derbyn cymorth o'r Grantiau Clo Bach yn ddiweddar yn derbyn eu taliadau yn uniongyrchol, a dylent dderbyn eu grant gan Gyngor Gwynedd erbyn diwedd yr wythnos yma.

- Mae'r ffurflen cais am gymorth ar gyfer busnesau lletygarwch a'r rhai sy'n cyflenwi'r sector lletygarwch, sydd DDIM yn derbyn bil Trethi Busnes, ac sydd wedi eu heffeithio'n uniongyrchol ac yn sylweddol gan y cyfyngiadau newydd ar gael yn barod.
- Bydd ffurflen gais ar gyfer yr elfen olaf o'r Gronfa Cyfyngiadau – busnesau sydd yn derbyn bil Trethi Busnes ac yn cyflenwi'r sector lletygarwch, sydd wedi eu heffeithio'n uniongyrchol ac yn sylweddol gan y cyfyngiadau – ar gael yn y dyfodol agos.

Ar gyfer y ffurflenni cais a gwybodaeth pellach, ewch i:

<https://bit.ly/CronCyfRhag2020>

Mae Cyngor Gwynedd wedi rhyddhau datganiad i'r wasg yn annog busnesau'r sir i baratoi ar gyfer trefn gweinyddu'r pecyn diweddaraf o gymorth ariannol gan y llywodraeth, ewch i:

<https://bit.ly/DatganiadGwynedd14Rhag2020>

Y Gwiriwr Cymhwysra ar gyfer y Gronfa Lletygarwch, Hamdden a Thwristiaeth yn fyw

Mae busnesau yn y sector Lletygarwch, Hamdden a Thwristiaeth yr effeithir arnynt gan y cyfyngiadau coronafeirws diwethaf bellach yn gallu cael gwybod faint y dylent ei dderbyn gan rownd ddiwethaf pecyn cymorth Llywodraeth Cymru i fusnesau. Mae'r Grant Penodol i'r Sector ERF COVID-19 £180 miliwn, ar gyfer busnesau yr effeithir arnynt yn y sectorau twristiaeth, hamdden a lletygarwch, yn cael ei weinyddu gan Llywodraeth Cymru. Mae gwiriwr cymhwysra newydd a chyfrifiannell bellach yn fyw ar wefan Busnes Cymru, i helpu busnesau i gyfrifo faint o gymorth y gallant ddisgwyl ei dderbyn. Hefyd bydd canllawiau ar gael i gwmnïau i'w helpu gyda'r broses o wneud cais am y Gronfa Benodol i'r Sector, a fydd yn agor yn yr wythnos sy'n dechrau ar 11 Ionawr 2021. Ewch i:

<https://fundchecker.businesswales.gov.wales/sectorspecificgrant/cy>

Cynllun Rheoli'r Coronafeirws: lefelau rhybudd yng Nghymru

Mae Llywodraeth Cymru wedi cyhoeddi diweddariad i'w Cynllun Rheoli'r Coronafeirws: lefelau rhybudd yng Nghymru. Mae'n disgrifio'r mesurau i reoli'r coronafeirws ar 4 lefel rhybudd a sut byddai'r lefelau yn cael eu gosod. I ddarllen y Cynllun, ewch i:

<https://llyw.cymru/cynllun-rheolir-coronafeirws-lefelau-rhybudd-yng-nghymru>

Annog siopa'n lleol yng Ngwynedd y Nadolig hwn

Mae Cyngor Gwynedd yn cynnal ymgyrch ar y gwefannau cymdeithasol yn annog pobl i gefnogi busnesau lleol y Nadolig hwn. Os ydych yn hyrwyddo eich cynnyrch a chynigion ar Facebook, gallwch rannu eich post drwy tagio ni ar:

<https://bit.ly/PrynuLleolGwyneddBuyLocal>

Edrychwch ar y neges Nadolig ar:

<https://bit.ly/FidioDoligPrynuLleol>

Fel rhan o'r ymgyrch, bydd gwybodaeth am lu o fusnesau lleol i'w gweld ar y wefan isod:

<https://bit.ly/prynulleol2020>

Petai busnes am gael ei ychwanegu i'r rhestr ar y wefan yma, gellir cysylltu â:

twristiaeth@gwynedd.llyw.cymru

Brexit: Diwedd Cyfnod Pontio'r UE

Gadawodd y DU yr UE ar 31 Ionawr 2020 ac mae wedi bod mewn cyfnod pontio a fydd yn dod i ben ar 31 Rhagfyr 2020. Yn ystod y cyfnod pontio, mae rhan fwyaf o reolau a threfniadau masnachu presennol yr UE wedi aros ar waith heb unrhyw newidiadau sylweddol yn y rhan fwyaf o ardaloedd. Fodd bynnag, mae diwedd y cyfnod pontio yn prysur agosáu a bydd hyn yn golygu newidiadau i'r rheolau presennol ar fasnachu, yn ogystal â'r hawl i deithio heb fisâu i wledydd eraill yr UE. Mae gwybodaeth cynhwysfawr ar gyfer nifer o

sectorau sydd angen paratoi ar gyfer diwedd y cyfnod pontio wrth i ni adael yr UE ddiwedd y flwyddyn i'w gael ar Porth Cyfnod Pontio'r UE Busnes Cymru. Ewch i:

<https://businesswales.gov.wales/eu-transition-portal/cy>

· Porthladd Caergybi: cwestiynau cyffredin

Am y canllawiau ar gyfer Porthladd Caergybi ar ddiwedd cyfnod pontio'r UE ar 1 Ionawr 2021, ewch i.

<https://llyw.cymru/porthladd-caergybi-cwestiynau-cyffredin>

Y Gronfa Economi Gylchol: WRAP Cymru

Os ydych chi, neu unrhyw fusnesau gweithgynhyrchu rydych chi'n gweithio gyda hwy sydd wedi'u lleoli yng Nghymru, yn ystyried gwneud cais i WRAP Cymru am grant cyfalaf gan y Gronfa Economi Gylchol, dylech fod yn ymwybodol fod y rowndiau ymgeisio presennol ar gyfer grantiau ar Raddfa Fawr a grantiau ar Raddfa Fach yn cau ar 18 Rhagfyr 2020. Mae grantiau ar Raddfa Fach ar gael o £25,000 hyd €200,000 (uchafswm trothwy de minimis) ac mae grantiau ar Raddfa Fawr ar gael o €200,000 hyd £750,000. Am fwy o wybodaeth am WRAP Cymru a'r grantiau, ewch i:

<http://www.wrapcymru.org.uk/cy/grantiau>

Mae mwy o wybodaeth defnyddiol i'w gael o:

Cyngor Gwynedd – Cefnogaeth i Fusnes

<https://www.gwynedd.llyw.cymru/busnescovid19>

<https://twitter.com/BusnesGwynedd>

Rhwydwaith Busnes Gwynedd

<https://www.gwyneddbusnes.net/Hafan>

<https://twitter.com/gwyneddbusnes>

Busnes Cymru

<https://businesswales.gov.wales/coronavirus-advice/cy/>

https://twitter.com/_busnescymru

Busnes@llandrillomenai

<https://www.facebook.com/BusnesatLlandrilloMenai/posts>

<https://twitter.com/busnesLLM>

FSB Cymru

https://twitter.com/FSB_Wales

Croeso Cymru

<https://twitter.com/croesocymrubus>

Cofrestru i dderbyn y newyddion diweddaraf

<https://bit.ly/3kIWPAU>

Os oes gennych gwestiwn neu angen cyngor ebostiwrch
busnes@gwynedd.llyw.cymru